

Eqikkaaneq

MIPI ukiut marlungajaat suliniutit ingerlareersorlu 1. januar 2004-mi pilersinneqarpoq. MIPI siulersuisunit namminersortunit aqunneqarpoq, kisianni allaffissornikkut Ilaqutariissutsimut Pisortaqarfimmut atalluni. MIPI ac-mik aalajangersimasumik atorfeqartitsivoq ingerlaavartumillu *suliniutinut attuumassuteqartunik atorfinitsitsisarlu. MIPI'p sulitinneqarnerani siunertaavoq: MIPI ilisimasanik katersilluni, pilersitsilluni siammarteriffiullunilu Kalaallit Nunaanni meeqqanik inuusuttunillu sullissinerup annertusartortumik ilisimasanik tunngaveqarnissaanut suleqataassaaq. MIPI ilisimaneqarpoq siumut sammisutut, takussaasutut, naalakkersuinikkut attaveqanngitsutut tutsuiginartutullu.*

MIPI ukiumi siullermi ingerlanermini suliniutit arlallit naammassisimavai, ilaatigut "Ilaqutariit inuuniarnermini atugarisaat 2004" saqqummersillugu. Tassunga ilanngullugu MIPI ataatsimeersuartitsinernut isumasioqatigiisitsinernullu arlalinnut peqataasarsimavoq, ilisimasallu piusut pillugit saaffiginnissutit 54-it akisimallugit. Suleqatigiisitanut arlalinnut aamma MIPI peqataavoq. Ukiup ninnerani suliniutit arlallit MIPI'p ingerlappai. 1994-imi misissuisimaneq *Meeqqat inuusuttuaqqallu angelarsimaffiup avataanut inissinneqartarnerat* aammaarlugu aallartisarpaa, kommunini meeqqanut inuusuttunullu politiki misissuiffigeqqissaarlugu, Arktisk Rådip ataani meeqqanik inuusuttunillu suliniutit misilittakkanik pitsaasunik katersuiffiulluarpoq kiisalu *2005-imut meeqqat inuusuttullu pillugit kisitsisitigut paasissutissat* suliaralugu.

MIPI'p ingerlanneqarnera arlalinnik aporfeqarpoq. MIPI'p aningaasanik atuineranut pitsaanerumik aqutsisoqarnissaa anguniarlugu sinaakkutissiortoqartariaqarpoq. Paasissutissanik ingerlaavartumik katersineq kiisalu MIPI'p nittartagaata ineriartortinneqartuarnissaa ataasiinnarmik aalajangersimasumik sulisoqarnera pissutigalugu ingerlalluannngillat.

MIPI'p siunissaa eqqarsaatigalugu ingerlatsinikkut aporfiit aaqiissuteqarfiginissaat pingaaruteqarpoq. Tassunga atatillugu MIPI'p politikimut attuumassuteqannginnera qulakkeerniartariaqarpoq annertusartariaqarlunilu. Meeqqanut inuusuttunullu ilisimasat eqqarsaatigalugit MIPI-mit kissaatigineqarpoq meeqqat inuusuttullu aallaavigalugit kisitsisitigut paasissutissanik ataqatigiinnerusunik sanaartornissamut annertunerumik periarfissarsiuussisoqarnissaanut sinnersaarisooqartariaqartoq kiisalu annerusumik meeqqat inuusuttullu namminneq isumaat

MIPI
2004-mut ukiumoortumik nalunaarusiaq

aallaavigalugit misissuisoqassasoq. MIPI aamma ilisimatusarnikkut misissukkat nassuiaatillu tunngavigalugit sulerusuppoq naliliisarnerlu ingerlakkusullugu. Naggataatigut ilisimasat suuneri, qanoq pilersinneqartarnersut aamma qanoq atorneqarnersut oqallisigiarnissaat pingaartinneqarpoq.

MIPI'mi siulersuisut sinnerlugit,

Laannguaq Lyngø,
Siulersuisuni siulittaasoq

IMAI

<u>EQIKKAANEQ</u>	1
<u>SIULEQUTSIUSSAQ</u>	4
MIPI’P SULIASSAI	4
AAQQUSSUUSAAANEQ SULISOQARNERLU	4
ANINGAASAQARNEQ	4
MIPI’P ANGUNIAGASSAI	5
<u>2004-MI INGERLATAT/SULIAT</u>	5
SULINIUTIT NAAMMASSINEQARSIMASUT	5
2004-MI ATORTUSSANIK KATERSINEQ	6
ILISIMASAT PIUSUT PILLUGIT MIPI-MUT SAAFFIGINNISUTIT	6
ISUMASIOQATIGIISITSINERIT, OQALLINNERIT ATAATSIMEERSUARNERILLU	7
SULEQATIGIISITAT IL.IL.	8
SULINIUTIT INGERLANNEQARTUT	8
<u>ILISIMASAQARFIUP INGERLANERATA KILLIFFIA</u>	10
<u>MIPI’P SIUNISSAA</u>	10
MIPI’P AAQQUSSUUSAAANERANUT SINAAKKUTIT	10
MIPI’P SULISOQARNIKKUT INISSISIMANERA; SULIANIK AAQQUISARNERA, QAJANNASSUSIA	
INGERLAAVARTUUNERALU	11
MEEQQAT INUUSUTTULLU PILLUGIT ILISIMASAT	11
<u>ILANNGUSSAQ:</u>	13
MIPI-MI SIULERSUISUT TAKUSSUTISSIARINERAT – ILANNGUSSAQ 1	13
2004-MI MIPI TUSAGASSIUTITIGUT SAQQUMMERTARNERA – ILANNGUSSAQ 2	14
NAJOQQUTASSAT 2004-2006 – ILANNGUSSAQ 3	16

SIULEQUTSIUSSAQ

MIPI'p suliaasai

MIPI suliniutitut ukiut marlungajaat ingerlareerluni 1. januar 2004 pilersinneqarpoq. MIPI-mit Kalaallit Nunaanni meeqqat inuusuttullu pillugit ilisimasat, atugaat kiisalu sullinneqarnerat pillugit katersorneqarput, pilersinneqartarput siammarterneqarlutillu. MIPI ilaatigut sulianik nammineq aallartitsisarpoq ilaatigullu pisortat namminersortulluunniit akilernerisigut suliakkiilluni aaqqiissuteqarsinnaasarluni.

MIPI'p suliaasai aaqqiissugaaneralu Meeqqat Inuusuttullu Pillugit Ilisimasaqarfik pillugu Inatsisartut inatsisaat nr. 26, 18. december 2003-meersumik tunngaveqarpoq.

Aaqqiissuussaaneq sulisoqarnerlu

MIPI suilersuisunit aqunneqarpoq. Siulersuisut MIPI'p ingerlaneranut akisussaasuupput. Tassunga ilanngullugu aningaasalersuinerlut najoqqutassiornermut aamma siulersuisut atorfinitsitsinissamut soraarsitsinissamullu inassuteqartarput. Siulersuisut aamma MIPI-mut sulianut attuumassutilinnut attaveqaatitut atuupput. Taassuma saniatigut allaffissornikkut Ilaqutariinnermut Pisortaqarfimmut atavoq, MIPI-llu sulisoqarneranut aningaasaqarneranullu akisussaasuulluni, kiisalu MIPI-mut attuumassuteqartut allaffissornikkut suliarisarlugit.

Ilisimasaqarfik pillugu inatsimmi aalajangersakkat tunngavigalugit MIPI'p siulersuisui Naalakkersuisunit toqqagaapput suliffeqarfiit arfineq marluk inassutaat malillugit. Maannakkut siulersuisuusut piffissaq toqqagaaffiat tassaavoq 2004-2006-imut. Ilanngussaq 1-imi takuneqarsinnaavoq siulersuisut inuttalersugaanerat.

MIPI'p atorfimmu ac-mut inuttaligassamut piffissaq tamakkerlugu sulisussamik atorfinitsitsinikuuvoq. Januar 2004-mi nutaamik sulisortaarpoq. Tassunga ilanngullugu siunnersortit avataaneersut arfineq marluk suliaasanut aalajangersimasunut MIPI atuinikuuvoq ilinniartumillu sulisoqarnikuulluni. Piffissaq tamakkerlugu sulisussap ingerlatsinermut, ineriartortitassat, suliniutinik aqutsineq, MIPI'p siulersuisuinut allattoqarfikkut sullissineq kiisalu aqutsinermut allaffimmilu suliaasat takkussuuttut suliaasarai. Taamaalilluni sulinermit ilisimasat suliarinissaannut piffissaqarfineqanngillat.

MIPI Nuummi angerlarsimaffeqarpoq Ulloq Unnuarluni Paaqqinnittarfiit Immikkoortortaqarfiat (Ilaqutariinnermut Pisortaqarfik) aamma Qeqqani Siunnersuisarfik (PPR-Midt) illoqatigalugit. Meeqqat inuusuttullu pillugit ilisimasaniq sulinissamut inissisimaffigissaarpoq, pingaartumik meeqqat inuusuttullu eqqorteriaannaasut eqqarsaatigalugit.

Aningaasaqarneq

MIPI'p ingerlanera allaffissornikkullu ingerlanera Aningaasanut inatsimmit aningaasalersorneqarpoq. Taassuma saniatigut MIPI aningaasanik aningaasaateqarfinnut namminersortunut pisortanullu

qinnuteqarsinnaavoq kiisalu nammineq isertitaqaatigisinnaasaminik ingerlatsisinnaalluni. 2004-mi aningaasanut inatsimmit 640.000 kr.-inik aningaasaliiffigineqarpoq. Tassunga ilanngullugit MIPI nammineq ingerlataminit kr. 56.000-inik isertitsisimavoq avataaniillu aningaasanik kr. 39.500-inik qinnuteqarnermigut tapiiffigineqarsimalluni. MIPI'p ukiumut naatsorsuutai maannakkorpiaq suli naammassineqanngillat taamaattumillu annerusumik nassuiaatigineqarsinnaanngillat.

2004-mi MIPI'p sulineranut missingersuusionermut naatsorsuutinullu najoqqutassiat sinaakkutillu assut nalornisigineqarlutillu qularutigineqarsimapput. Taamaattumik siulersuisunut suliassanik pilersaarusiornissaq ajornakusoorsimavoq. Taassuma malitsigisaanik suliniutit aallartinniarnarat naammassiniarnarallu MIPI-mi sulisumut naapertuutinnigitsumik assut tamanna suliakkersuisimavoq.

MIPI'p anguniagassai

MIPI'p ingerlanneqarneranut siulersuisut anguniagassat makku aalajangersarsimavai:

MIPI ilisimasassanik katersisarpoq, pilersitsisarpoq siammarterisarlungu, nunatsinnilu meeqqanik inuusuttunillu sullissinerup annertusiartortumik ilisimasanik tunngaveqarnissaanut suleqataassalluni. MIPI siumukartuusutut, ersarissutut, politikikkut attuumassuteqanngitsuusutut tutsuiginartuusutullu ilisimaneqarpoq.

Tassunga tunngatillugu siulersuisut pingaartillugu piffissami 2004-2006-imut *Isumaginninneq sumiginnaanerlu* sammisassatut salliutillugu toqqarsimavaat.

2004-mi ingerlatat/suliat

Suliniutit naammassineqarsimasut

2004-mi suliniutit pingasut MIPI'p naammassivai:

1. Ilaqutariit inuuniarnerminni atugarisaat 2004 – Kisitsisit qulaajaanertallit

Ilaqutariinnermut Pisortaqarfimmut *Ilaqutariit inuuniarnerminni atugarisaat – Kisitsisit qulaajaanertallit* MIPI'p siunnersortitut sularaa.

Pisortaqarfiup kisitsisitigut paasissutissanik nutaanik nunatsinni ilaqutariit inuuniarnerminni atugarisaannik qulaajaasumik imalimmik pilersitsisoqarnissaanik kissaataa aallaavigalugu MIPI aalajangersimasumik atuagassialiornissaminut periaasiliorpoq kingornalu atuagassiamik saqqummiilluni. Atuagassiaq 1.500-nngorlugu naqiterneqarpoq Naalakkersuisunut Inatsisartunullu ilaasortanut agguanneqarluni soorlu aamma Ilaqutariissutsimut Pisortaqarfiup ilinniartinnut, pisortat ingerlatsiviinut il.il. nassiussuussimagaa. Aammattaaq MIPI'p Ilaqutariissutsillu Pisortaqarfiup nittartagaannit aaneqarsinnaavoq.

Kisitsisitigut paasissutissanik arlalinnik katersinerup saniatigut *Ilaqutariit inuuniarnerminni atugarisaat – kisitsisitunik qulaajaanertaqarnerat* immikkoorutigaa. Kisitsisitigut paasissutissat nassuiaatitaqarmata imminnullu ataqatigiimmata atuartumut paasiuminarnerulerput. MIPI-mut kisitsisitigut paasissutissat piviusullu paasinarnarulersinneqarnissaat pillugit saaffiginnittoqartarmat MIPI'p taamatut

ingerlatitseqqeriaaseqarnissi pisariaqartuusoq paasisimavaa. Taamaalilluni MIPI ilisimasaqarfittut suliai misilittagaalu atuagassiap suliarinerani pingaaruteqarsimapput.

2. Kalaallit Nunaanni meeqqat inuusuttullu pillugit kisitsisitigut paasisutissat (2003)

Kalaallit Nunaanni meeqqat inuusuttullu pillugit kisitsisitigut paasisutissat (2003) 2003-mi naammassineqarluni naqitertinneqarpoq, tassa MIPI'p pilersinneqarnera sioqqullugu suliniutitut ingerlagallarmat. 2003-mi aamma atuakkanik atorniartarfinnut, ilinniarfinnut allanullu siammarterneqarpoq. Atuagassiaq toqqaannartumik saqqummiunneqanngilaq MIPI-mi atorfiup inuttaqanngikkallarnera pissutigalugu. 2004-mi taamaattumik ussassaarutigineqarpoq, soorlu aamma ilinniutissatut nassiunneqarsimasoq ilaatigut ilisimatusarfimmut, Peqqinnissamut Ilinniarfimmut, SPS-imut aamma Pilersuiffimmut.

3. Nittartakkamik tuluttoortumik pilersitsineq MIPI-llu nittartagaanut pisariinnerusumik isersinnaalernissaq

MIPI nunanit allaniit saaffigineqartarpoq nunanillu issittormiunik suleqateqarluni. Taamaattumik MIPI-mut tuluttut nittartagaliortoqarsimavoq. Imarai tuluttut MIPI'p ilisaritinnera kiisalu Kalaallit Nunaanni meeqqat inuusuttullu pillugit atuagassat tuluttoortut. Taamaalilluni MIPI maannakkut tuluttut, kalaallisut qallunaatullu nittartagaqalerpoq.

Arlallit MIPI'p nittartagaa nassaariuminaatsittarsimavaat, www.nanoq.gl -miimmat. Taamaattumik MIPI maannakkut nittartakkaminut atini pilersillugu pisiarinikuuaa www.mipi.gl, MIPI'p nittartagaanut toqqaannartumik isertoqarsinnaalernikuuvoq.

2004-mi atortussanik katersineq

Atortussat meeqqat inuusuttullu pillugit MIPI katersortagai Nunatta Atuagaateqarfiata atuakkanik atorniartitsinermi atortorissaarutitut aaqqissugaanut ataatsimut nalunaarsorneqartarput. Ukioq 2004 ilanngullugu MIPI'p qulequt/atugassiaq katersorsimasai 425 missaanik amerlatigipput.

Taassuma saniatigut MIPI qarasaasiatigut atuagassianik sapinngisaminik katersiniarsimavoq, atuagassiat taamaalillugit MIPI'p nittartagaatigut pissarsiarineqarsinnaanngortillugit. Qulequttat 140 missaaniittut maannakkut MIPI'p nittartagaatigut pissarsiarineqarsinnaapput.

Ilisimasat piusut pillugit MIPI-mut saaffiginnissutit

2004-mi ilisimasat piusut pillugit 54-it MIPI-mut saaffiginnissimapput, taakku saaffiginninnertut annertunngitsutut isigineqarlutik sullinneqartarsimapput, tassa imaappoq, MIPI'p mailikkut telefonikkulluunniit akisarsimavai. Saaffiginnissutit amerlanersaat ilinniartuningaanneerput ilisimatusartuniillu, kisianni aamma sulisuniit tusagassiortullu saaffiginnittarputtaaq. Saaffiginnissutit Kalaallit Nunaaninngaanneersut saniatigut aamma Danmarkinngaanneersoqartarpoq,

MIPI
2004-mut ukiumoortumik nalunaarusiaq

europaminngaanniit kiisalu nunat issittuneersut saaffiginnittarput. 2004-mi sumiginnaanermut, atugarissaarnermut, kinguaassiutigut atonerluinerimut atualinginnermilu atukkanut tunngassuteqartut pingaartumik apeqqutigineqartarsimapput. Aammali assersuutigalugu kalaallit kulturiat piviusunillu tunngavilinnik filmiliat pillugit saaffiginnittoqartarsimavoq.

MIPI-mut apeqqutigineqartartut ersersippaat, atortussat katersuinnarneqassanngitsut aaqqissuinnarneqassanngitsullu, kisianni aamma atortussat katersorneqarsimasut suliarineqarnissaat pingaaruteqarlunilu pisariaqartoq, assersuutigalugu inerniliinerit misissueqqissaarinerilluunniit imarisai nalunaarsorlugit.

MIPI'p ilisimasaanik amerlasuut aallersinnaapput, ajoraluartumik MIPI'p nittartagaanik atuisartut qanoq amerlatiginersut nalunaarutigineqarsinnaanngilaq.

Isumasioqatigiisitsinerit, oqallinnerit ataatsimeersuarnerillu

MIPI-mi sulisoq 2004-p ingerlanerani ataatsimeersuarnermut, oqallinnernut isumasioqatigiisitsinernullu arlalinnut peqataasarsimavoq. Skemami ataaniittumi tamanna takuneqarsinnaavoq.

Ataatsimeers./isumasioq./oqallin.	Ulloq sumilu	Oqaaseqaatit
Inuaqatigiit ilinniartitaanermikkut qaffassarneqarnissaat pillugu isumalioqatigiisitsineq	1. marts, Nuuk	Saqq. MIPI: "Atualinginnermi neqeroorutit meeqqanut pingaaruteqassusiat"
Nunat avannaamiut peqatigiiffiata ataatsimeersuarnermik aaqqissuisoq Meeqqanik mittatilliineq sumiginnaanerlu akerleralugu	12-14. maj, Finland	Eqikkaaneq www.mipi.gl-mi atuarneqarsinnaavoq
Ilaqutarissutsimut Pisorta qarfimmi ataanilu sulisut soraarnerup kingorna ataatsimiinnerat	11. august, Nuuk	Saqq. MIPI: <i>Aningaasaqarneq meeqqallu inuullu arnerat imminnut ataqatigiippat?</i>
Uummannami meeqqat angerlarsimaffiat ukiut 75-nngortorsiorneranik nalliuttorsiorneq kiisalu suleqatit tikeraarlugit	24.-29. september, Uummannaq	Saqq. MIPI: <i>MIPI suua?</i>
PIP-ataatsimeersuarnera	26.-27. oktobter, Kangerlussuaq	Saqq. MIPI: Isumaginninnermik sulinermi ilisimasat ilisimatuussutsikkullu qularnaajaaneq kiisalu MIPI-mik ilisarisisineq
Isumaginninnermi pisortat	12.-15. oktober,	Saqq.: MIPI suua?

MIPI
2004-mut ukiumoortumik nalunaarusiaq

ataatsimeersuarnerat	Nuuk	
Ilaqutariit ukiuat- isumasioqatigiisitsineq	16.-18. oktober, Nuuk	
PPR-katersuunneq	22. oktober, Nuuk	Saqq.: MIPI suua?
Tamanut saqqummiussineq oqallitsitsinerlu isumaginninneq sumiginnaanerlu pillugit	9. december, Nuuk	MIPI-mit aaqqissorneqartoq. Takuuk ataani.

Ulloq 9. december siullermeerluni tamanut ataatsimiitsitsivoq. Qulequtaralugu "Isumaginninneq sumiginnaanerlu". MIPI-mut ataqatigiissaarisooq, Nina Banerjeep saqqummiuppaa "*Meeqqat qassit pineqarpat?*" MIPI-mullu siulersuisuni siulittaasup tullia, psykolog Naaja Hjelholt Nathanielsenip saqqummiuppaa "*Isumaginninneq* sumiginnaanerlu". Kingulleq taaneqartoq www.mipi.gl-imi atuarneqarsinnaavoq. 60-singajaat najuupput apeqquteqarusuttut amerlapput assullu oqallikkusuttoqarluni.

Suleqatigiissitat il.il.

- MIPI aalajangersimasumik suleqatigiissitamut Ilaqutariit Ukiui Qulit Ilaqutariinnermut Pisortaqrarfiup ataaniittumut ilaavoq.
- 2004-mi MIPI suleqatigiiffimmut Inuusuttut Akisunneranut, inuusuttunut radio nittartakkamullu (website) peqataavoq. Radiokkut aallakaatitassianut sisamaasunut assigiinngitsunillu samminnittunut atatillugu MIPI quppernerit sisamat piviusunut tunngasut suliarisimavai.
- Ukiup naanerani Imigassaq Ikiaroorartullu pillugit Siunnersuisoqatigiinnut MIPI ilannguppoq.
- MIPI ataqatigiissaarisuuvoq, Nunanut Allanut tunngassutilinnut Pisortaqrarfik isumaqatigiissuteqarfigineratigut Arktisk Rådmi "Future of Children and Youth" programimi kalaallit peqataaffigisaanni, tassani sammineqarput meeqqat inuusuttullu inuulluarnerat peqqissusiallu. Tassunga atatillugu programimi canadamiut ataqatigiissaarisuanut ullut pingasut Nuummiinnerani MIPI tikeraartitsisuuvoq.

Suliniutit ingerlanneqartut

Ukiup nikerinnerani MIPI suliniutit sisamat ingerlappai:

1. *Meeqqat inuusuttullu pillugit kisitsisitigut paasisutissat 2005* sammineqassalluni "*sunngiffik*" *Meeqqat inuusuttullu pillugit kisitsisitigut paasisutissat 2005* maannakkut suliarineqarpoq, kissaatigineqarluni ukioq ataaseq allortarlugu kisitsisitigut paasisutissat nutarsarneqartarnissaat. 2005-imi saqqummertussap imarissavai *Meeqqat inuusuttullu pillugit kisitsisitigut paasisutissat 2003-meersut* nutarterneqarneri kiisalu meeqqat inuusuttullu sunngiffimmi sammisartagaannik minnerumaamik samminnissalluni. Saqqummersitassaq maannakkuugallartoq internetikkut saqqummersinneqarneratigut aningaasartai qulakkeerneqarallarpud. Kisianni atuartartut amerlanerusut

anguneqassappata naqiteritsinissaq pisariaqassaaq. Naqiterisitsilluni saqqummersitsinissaq iluatsissappat avataaninngaanniit aningaasaliisoqartariaqassaaq. Siulersuisut isumaqarput, *Meeqqat inuusuttullu pillugit kisitsisitigut paasissutissat* sakkussatut ima pingaaruteqartigisut tamakkiisumik landskarsimit aningaasalersorneqartariaqarlutik.

2. Future of Children and Youth – Arktisk Rådip ataani ilisimasani katersineq siammarterinerlu Arktisk Rådip ataani "Future of Children and Youth"-programimik suliaqarnermi nunanit/nunap immikkoortuinit issittuneersunit MIPI Kalaallit Nunaaninngaanneersutut meeqqat inuusuttullu peqqissuunissaannut inuulluarnissaannullu siuarsaanissamut misilittakkanik pitsaasunik (best practices) nalunaarusiamut ilapertuutaalluortarpoq. Kalaallit Nunaanut tunngasortaa 2005-ip ingerlanerani naammassineqassanganneqarpoq. Issittumit nalunaarusiaq tamakkerluni 2006-imi naammassineqarnissaa naatsorsuutigineqarpoq. MIPI Kalaallit Nunaanni suleqatigiissitaliorsimavoq malinnaasussanik, tassani PAARISA, Inerisaavik, MIPI sinniisoqassapput kiisalu nakorsaq Henning Sloth Pedersen. Kingulleq taaneqartoq aamma suliniummut aqutsisutut atorfinitsinneqarsimavoq.

3. "Meeqqat inuusuttullu angerlarsimaffiup avataanut inissinneqartarnerannik" 1994-imi misissuinerup uteqqinneqarnera.

Misissuineq qulaani taaneqartoq meeqqat angerlarsimaffiup avataanut inissinneqartarnerannit qanorluunniit ikkaluartunik kisitsisitigut paasissutissanik kiisalu attuumassutilinnik apersuinikkut inissiinarnermi ingerlatsinermut pitsanngorsaatisatut siunnersuutiniq imaqarpoq. Sammisaaq assut soqutiginaateqarpoq, taamaattumik MIPI'p kissaatigisimavaa misissuineq uteqqinneqassasoq. MIPI'p ilisimatusarnermi piumasaqaatit aallaavigalugit nalunaarusiaq misissorpaa. Tullingguunneqassaaq inuit, kattuffiit, suliffeqarfiillu siunnersuutigisinnaasaannik tusarniaavigineqarnissaat, taassumalu kingorna MIPI ilisimatusaatit ilusilersuinnaalissalluni. Misissuinerup naammassineqarnissaanut apeqqutaassapput suleqatigisat soqutiginninnerat, ilisimatuunik/ikiortinillu sulisussaqaarneq avataaninngaanniillu aningaasatigut ikiorserneqarneq.

4. Kommunit meeqqat inuusuttullu pillugit politikiniq misissueqqissaarneq (review)

Kalaallit Nunaanni kommunit arlallit meeqqat inuusuttullu pillugit politikeqarput. Kommunit meeqqanut inuusuttunullu politikikkissatut akuersissutigisimasaat MIPI'p allaganngorlugit pigineqartut misissorpai. Siunertamut tassunga professor Peter Dahler-Larsen atorfinitsinneqarsimavoq. Misissueqqissaarneq naammassineqassaaq saqqummersinneqarlunilu 2005-p affaata siullermi. Neriutiginerpoq misissueqqissaarnerup kingunerissagaa meeqqat inuusuttullu pillugit politikikkut anguniagassaliornerup naammassineqarnissaa, ineriartortitseqqittoqarnissaa isumassassarsiorfigineqarsinnaanissaalu.

Ilisimasaqarfiup ingerlanerata killiffia

MIPI suliffeqarfittut namminersortutupajaatut aaqqissuussinini aallartilluarpa. 2004-mi siulersuisut toqqarneqarput ivertinneqarlutillu. Siulersuisut suleriaasissaminnik aalajangersaareerput ungasinnerusorlu isigalugu MIPI-p ingerlanneqarneranut ineriartorteqqinneqarneranullu najoqqutassiat kiisalu 2004-2006-imut ingerlatassatut/suliasatut pilersaarutit akuersissutigereerlugit. MIPI'p suliaqarneranut aningaasalersuinissaq pillugu siulersuisut malittarisassanik sukumiinerusunik suliaqarput.

Ingerlatsinermut tunngatillugu suli arlalinnik aporfeqarpoq;

1. MIPI'p aningaasanik aqutsineranut sinaakkutit taaneqartut suli naammaginangeqaat, MIPI-lu naammaginatsumik ingerlanneqassaguni tamakku piaarnerpaamik iluarsineqarnissaat pisariaqarpoq. MIPI taassuma tungaatigut Ilaqutariinnermut Pisortaqaarfiup ataani inissisimammat, Ilaqutariinnermut Pisortaqaarfik suliami tamatumani suleqatigineqartariaqarpoq.
2. 2004-mi MIPI tiimimusialinnik sulisoqarluni suliasanik ingerlatsinermut tunngassuteqartunik suliaqariaraluarsimavoq. Eqqortunilli piginnaasalinnik sulisussarsiorneq atatitsiniarnerlu ajornakusoortuusut paasinarsisimavoq, taamaattumillu tamakku aaqqiivigineqarnissaat pingaaruteqarpoq. Pingaartumik atuagaatit katersorneqarsimasut nittartakkallu malinnaatinneqarnissaanut tunngatillugu, MIPI'p ingerlanneqarneranut qitiulluinnarmata aammalu qaffasissumik kalaallit oqaasiinik ilisimasalik pisariaqartinneqarluni.
3. MIPI'p nittartagaa amerlasuutigut pitsaasumik ingerlavoq, kisianni atuisunut paasiuminaallunilu aqukkuminaappoq. Taamaattumik pilersaarutaasimavoq taassuma allanngortinneqarnissaa. Allanngortinniarnera kinguartikkallartariaqarsimavoq, inuk sulisussarsiarineqartoq suliunnaartariaqarsimammat, kisianni 2005-imi naammasseriarneqassaaq.

MIPI'p siunissaa

Ukiumoortumik nalunaarusiami uani pissutsit pingasut MIPI'p siunissaanut tunngasut oqallisigineqarnissaat siulersuisut toqqarsimavaat, tassalu MIPI'p aaqqissuussaanageranut sinaakkutit, MIPI'p sulisoqarinnikkut inissisimanagera kiisalu meeqqat inuusuttullu pillugit Kalaallit Nunaanni ilisimasat. Taakku saniatigut siulersuisut 2004-mi ungasinnerusoq isigalugu MIPI'p ingerlanneqarneranut ineriartortinneqarneranullu malittarisassanik akuersissuteqarsimapput. Taakku ilanngussatut ilanngunneqarput.

MIPI'p aaqqissuussaanageranut sinaakkutit

Maannakkut MIPI allaffissornikkut aningaasatigullu Ilaqutariinnermut Pisortaqaarfimmut atavoq. Siulersuisut isumaqarput, ilisimasaqarfik ilisimasanik tutsuiginartunik tunniussissaguni sapinngisamik politikimut attuumassuteqanngilluinnarluni ingerlasariaqartoq. Inatsisitigut tamanna qulakkeerneqarallarsimavoq siulersuisut – naalakkersuisuunngitsut - sulianut akisussaasuuneratigut.

MIPI'p attuumassuteqannginnera qulakkeerneqassappat Ilaqutariinnermut Pisorta qarfirmut aaqqissuussaanikkut attuumassuteqarnerata allannguuteqarnissaa misissorneqartariaqarpoq. Tamanna aamma MIPI pillugu inatsimmut oqaaseqaatini kaammattuutigineqarpoq. Taamaattumik siulersuisut misissorniarpaat aaqqissuussaanermut sinaakkutissatut periarfissat allat, nalilersorneqassallutik sulinermi avatangiisit, attuumassuteqannginneq allaffissornermilu ataqatigiiaat.

MIPI'p sulisoqarnikkut inissisimanagera; sulianik aaqqiisanagera, qajannassusia ingerlaavartuuneralu

MIPI-mi sulisut amerlineqarnissaat pingaaruteqarpoq. Meeqqat inuusuttullu pillugit Ilisimasaqarfimmu inatsimmi naatsorsuutigineqarsimavoq, meeqqat inuusuttullu atugaat arlalissuit MIPI'p sulinermini isiginiassagai. Tassunga atasumik MIPI'p ilisimasai assut piumaneqarput suliassallu assigiinngitsorpassuit ilisimasaqarfiup ingerlanneqarneranut ineriartortinneqarneranullu attuumassutillit aaqqinniarnearlutik. Sulisut arlallit peqanngittarnerat pissutigalugu ingerlaavartumik paasissutissanik katersiniarneq saaffiginnissutinullu akinissaq MIPI-mut ajornarkusoortarpoq, napparsimasoqartillugu, feriartoqartillugu sulinernullu atatillugu angalasoqartillugu MIPI matoqqasariaqartarmat. Kiisalu sulisut taarseraneranni MIPI qajannartorujussuulluni. Soorlu inatsimmut oqaaseqaatini oqaatigineqartoq, piviusorsiortuunngilaq sulisup ataatsip MIPI-mi suliassat tamakkerlugit kivissinnaassagai taamaattumillu atorfiit inuttaligassat amerlisariaqarput.

Meeqqat inuusuttullu pillugit ilisimasat

Meeqqat inuusuttullu pillugit suliniutit isigissagaanni, ikittuinnaat nalilersorneqartarput, imaluunniit aaqqissuunneqarlutik suliareqqinneqartarput. Taamaattumik ilisimatusaatinik tunngaveqarluni nassuiaanerit nalilersuinerillu annerusumik ingerlanneqarnissaat MIPI'p peqataaffigerusuppai. Tamakku pitsaanagerusumik tunngaveqarluni politikikkut aalajangiinnermi, periutsinillu ineriartortitsinnermut atorneqarsinnaapput. Misissuinerit taamaattut akisussaasut suleqatigalugit sularineqarunik pitsaanagerusaaq soorlu kommunit, Namminersornerullutik Oqartussat aaqqissuussallu namminersortut –MIPI tamakku pillugit taamaattumik suleqateqarusuppoq.

Pingaarnerusutigut meeqqat inuusuttullu pillugit kisitsisitigut paasissutissanik pitsaasunik peqarnissaq pisariaqarpoq, meeqqat inuusuttullu pillugit politikinik suliniutinillu aaqqissuussinissamut ineriartortitsinissaq eqqarsaatigalugit. Maannakkut meeqqat inuusuttullu pillugit kisitsisitigut paasissutissat arlallit pigineqarput, kisianni aamma suliaraqfimmu arlalinnut, meeqqat inuusuttullu inuullarnerannut pingaarutillit paasissutissat ataatsimoortut atuagassiallu amigaatigineqarput. Kisitsisitigut paasissutissat aamma assigiinngitsorujussuanngorlugit sularineqartarput, imminnut sanillersuunnissaat ataatsimulluunniit katersornissaat ajornakusoorsinnaasarluni. Tamanna ajornaquteqanngitsumik ingerlasinnaassappat, suliarmut attuumassutillit arlalissuit suleqatigiinnissaat pisariaqarpoq. MIPI nammineq kisitsisitigut paasissutissanik saqqummersitsisarnermi saniatigut MIPI

MIPI
2004-mut ukiumoortumik nalunaarusiaq

suleqatiginnikkusuttorujussuuvoq meeqqat inuusuttullu aallaavigalugit kisitsisitigut paasissutissanik ineriartortitsinissamut.

Naggataatigut MIPI Kalaallit Nunaanni meeqqat inuusuttullu pillugit suli annerusumik ilisimatusarfigineqarnissaannik kaammattuerusuppoq, meeqqat silarsuaat meeqqat namminneq paasinnittaasiat aallaavigalugu misissuisoqarnissaanik. Ullumikkut ilisimatusarnerit ilisimatusarnermi uuttuutit inersimasunit aalajangersarneqareersimasut atorlugit ingerlanneqartarput.

Naggaterpiaatigut pingaaruteqarpoq ilisimasaq suunersoq, qanoq pilersinneqartarnersoq qanorlu atorneqarsinnaanersoq oqallisigiuaassallugu.

Ilanngussaq:

MIPI-mi siulersuisut takussutissiarinerat – ilanngussaq 1

MIPI'p siulersuisui ataani taaneqartut Naalakkersuisut inassuteqarnerisigut toqqagaasarput.

Siulersuisut piffissaq toqqagaaffiat tassaavoq 2004-2006-mut.

Siulersuisunut siulittaasoq, naalakkersuisunit toqqarneqarsimasoq:

- Laannguaq Lynge, Nunatta Atuagaateqarfiani pisortamut tullersorti. Nunatta Atuagaateqarfianit inassutigineqarsimasoq.

Siulersuisunut siulittaasup tullia, siulersuisunit toqqagaasoq:

- Naaja Nathanielsen, Nuup Kommunianni PPR-allaffimmut pisortaq. KANUKOKA-mit inassutigineqarsimasoq.

Ilaasortat sinneri:

- Ann Nymark, atuarfimmi psykolog-juneq PPR-qeqqani. Naalakkersuisunut ilaasortap inassuteqarneratigut, akisussaaffigai ulluunerani paaqqinnittarfiit meeqqallu atuarfii.
- Wolfgang Kahlig, Ingerlatsinermut institutimi pisortaq. Ilisimatusarfimmit inassutigineqarsimasoq.
- Anne Cathrine Lefèvre, PAARISA-mi siunnersorti. Naalakkersuisunut ilaasortamit inassutigineqarsimasoq, akisussaaffigai peqqinnissaq pinaveersaartitsinerlu.
- Keun Hwang, immikkut ilisimasalittut siunnersorti. Naatsorsueqqissaartarfimmit inassutigineqarsimasoq.
- Andu S. Olsen, Ilaqutariissutsimut Pisortaqarfimmi siunnersorti. Naalakkersuisunut ilaasortamit inassutigineqarsimasoq, akisussaaffigalugit isumaginninnermut tunngassutillit.

2004-mi MIPI tusagassiutitigut saqqummertarnera – ilanngussaq 2

2004-mi MIPI pillugu MIPI-llu suliai pillugit tusagassiutitigut saqqummertarnerit MIPI'p nalunngisai makkuupput:

Februar/Marts

MIPI-mut siulersuisussanik toqqaaneq kalaallit tusagassiutaanni arlalinni eqqaaneqarpoq, tassunga ilanngullugit AG, Sermitsiaq Radioaviisilu.

Juni

Meeqqanik mittatilliisarneq sumiginnaanerlu pillugit nunat avannaamioqatigiit ataatsimeersuarnerat tunngavigalugu MIPI AG-mit apersorneqarnissani aaqqissuussimavaa, tassani MIPI ataatsimeersuarnermullu peqataasut allat najuupput. Apersorneqarnerisa malitsiganik AG-mi ilanngussisoqarpoq.

August

MIPI'p siulersuisuni siulittaasoq, Laannguaq Lyngé, KNR-imi radiokkut aallakaatitassiamut apersorneqartunut peqataavoq.

September

Laannguaq Lyngé Sisimiut tusaataanni radiokkut MIPI pillugu aallakaatitassiamut peqataavoq. MIPI'p Uummannami meeqqat angerlarsimaffiata nalliuttorsiornissaanut saqqummiussaa AG/Sermitsiami nalliuttorsiorneq pillugu ilanngunneqarpoq.

Oktober

Sapaammi 3. oktoberimi Namminersornerullutik Oqartussat KNR-imi (radiokkut) 2x15 minutsit MIPI pillugu tusagassiivoq.

November

MIPI AG-mi Sermitsiamilu oqaaseqarpoq qulequtaralugu "Pingajorarterutaat sumiginnagaappat?"

December

MIPI'p tamanut ataatsimiisitsinera " Isumaginninneq sumiginnagaanerlu" KNR-ip ullaakkut aallakaatitsinerani taaneqarpoq Kujataatalu Radioani.

Malitsigisaanillu ataatsimiinnermit AG-mi ilanngussisoqarpoq, atuartartut allagaanni ataatsimiinnermit isumassarsimasooq ilanngussisimalluni, aappaa ataatsimiinnermut tunnganerusooq AG-ikkut tamanut saqqummiunneqarpoq.

Atuagassiaq " Ilaqutariit inuuniarnerminni atugaat" Ilaqutariissutsimut Pisortaqarfik suleqatigalugu tusagassiortunik katersortitsinikkut saqqummiunneqarpoq. Ilaqutariit inuuniarnerminni atugaannik misissueqqissaarneq malitsiganik radioaviisimi Sermitsiami AG-imilu ilanngussani atorneqartarpoq. Aviisi kingulleq taaneqartoq atuagassiaq pillugu allaaserisaqarpoq.

Ukununnga eqqartorneqartunut ilanngullugu oqaatigisariaqarpoq, maannakkut sulisoqarniarneq pissutigalugu MIPI pillugu MIPI-llu suliai pillugit tusagassiutitigut saqqummersartut

MIPI
2004-mut ukiumoortumik nalunaarusiaq

malinnaavigeqqissaassallugit ajornartoq. Aammattaarli suliat aalajangersimasut pillugit tusagassiortut saaffiginnikkaangata MIPI sulianut aalajangersimasunut immikkut ilisimasalinnut innersuussisarpoq.

Najoqqutassat 2004-2006 – ilanngussa 3